

推吾身以外及者治人之方歛吾心以內守者事天之則因其實而為虛不盡用之謂嗇由是而復本由是而積德以能無能而能以極死極之極故有國者治人之施而有母者事天而得既得其母子不待索性根命帶灌溉凝植環二炁以為絲化萬有而莫測固將觀天地之終窮而逍遙乎無方之域嘖此是朝元第二方蓬萊不在海中央伏雌莫為寅風動胎蚌還分夜月光修真學道則一而入門有不同此則審動靜之機明感應之理守之以待自然而然所謂積功累行而滿三千者是也

### 治大國章第六十

治大國若烹小鮮以道莅天下其鬼不神非其鬼不神其神不

### 道藏輯要

道德真經章句訓頌

言

心集五  
又古入

傷人非其神不傷人聖人亦不傷夫兩不相傷故德交歸焉

若烹小鮮者求水火之宜以調陰陽也其鬼不神者用以陰柔而隱夫陽也其神不傷人者陽亦未嘗不用而能不顯其剛也聖人亦不傷者參贊裁成以保和太和也嘖獨陽不成獨陰不生生成萬物陰陽合凝用剛則折柔久是能剛內以守柔外以行事天法地人所以靈裁成妙合天地清甯返之一已萬有包弁示以槁死存吾剛明綿綿不亡朝乎太清

### 大國者下流章第六十一

大國者下流天下之交天下之牝牝常以靜勝牡以靜為下故大國以下小國則取小國小國以下大國則取大國故或下以

取或下而取大國不過欲兼畜人小國不過欲入事人兩者各得  
得其所欲故大者宜爲下

以大事小者仁也以小事大者智焉仁者樂天而能普智者  
畏天而能全普則天下效其地全則一國安其天合大小以  
同得斯謙下之自然噴川河汨汨幾時休海大如天凝不流  
看得靜中元自動陰陽交處互相柔

### 道者萬物之奧章第六十二

道者萬物之奧善人之寶不善人之所保美言可以市尊行可  
以加人人之不善何棄之有故立天子置三公雖有拱璧以先  
駟馬不如坐進此道古之所以貴此道者何也不曰求以得有

### 道藏輯要

道德真經章句訓頌

卷五

心集五  
八十一

罪以免故爲天下貴

以無形而藏萬物者謂之奧知其所貴而有之者謂之寶籍  
之以生而不知者謂之保故有不善而後見其善有不美而  
後見其美有不尊而後見其尊是皆相因以爲用又奚去取  
之足論崇之以位聘之以禮夫惟賢者之是資曷若反求於  
自己復眾妙而取之在一念之更耳噴道何可說亦何爲執  
使三公坐論之九萬里天同看月妙哉善惡未分時

### 爲無爲章第六十三

爲無爲事無事味無味大小多少報怨以德圖難於其易爲大  
於其細天下難事必作於易天下大事必作於細是以聖人終